

اتوار 13 جولائی، 2025

مضمون۔ ساکرامنٹ

سنہری متن: یوحنا 14 باب 31 آیت

”پراہیہ ایس لئی ہندا اے پئی جگ جانے پئی میں باپ نال پیار رکھداواں تے جیویں باپ نے مینوں حکم دتا میں اونج ای کردا
واں۔“۔ مسیح یسوع

جوابی پڑھائی: متی 5 باب 6، 8، 11، 12، 43، 46، 48 آیتاں

6۔ دھن نیں اوہ جیہڑے راستبازی دے پگھے تے تریائے نیں کیوں بے اوہر جھن گے۔

8۔ دھن نیں اوہ جیہڑے پاک دل نیں کیوں بے اوہر بنوں دیکھن گے۔

11۔ جد میرے پاروں لوکی تہانوں لعن طعن کرن گے تے ستاؤن گے تے ہر طراں دیاں بھیڑیاں گلاں تہاڈے بارے جھوٹ
آکھن گے تے تسی دھن ہوو گے۔

12۔ خوشی کریو تے بوہت شادمان ہوو کیوں بے اسمان اُتے تہاڈا اجر وڈھا اے ایس لئی پئی لوکاں نے اوہناں نبیاں نوں وی
جیہڑے تہاڈے توں پہلاں سی ایسے طراں ستایا سی۔

43۔ تسی سنیا اے پئی آکھیا گیا سی پئی اپنے گوانڈی نال پیار رکھ تے اپنے دشمن نال ویر۔

44۔ پر میں تہانوں آکھداواں پئی تسی اپنے ویریاں نال پیار کرو تے اپنے ستاؤن والیاں لئی دعا کرو۔

45۔ تاں جوں تسی اپنے پیو دے جیہڑا آسمان اُتے اے پتر ٹھہرو کیوں جے اوہ اپنے سورج نوں بھیریاں تے نیکاں دونواں اُتے چکاؤندا اے تے راستبازاں تے ناراستاں دونواں اُتے مینہ وراؤندا اے۔

46۔ کیوں جے تسی اپنے پیار کرن والیاں نوں ای پیار کرو تے تہاڈا کیہ اجراے؟ کیہ محصول لین والے وی اینج نہیں کردے؟

48۔ ایس لئی چاہیدا اے پئی تسی کامل ہوو جیویں تہاڈا آسمانی پیو کامل اے۔

درسی وعظ

بائبل وچوں

1۔ متی 26 باب 6 توں 8 (توں دو جی)، 10، 12، 13، 20 توں 29، 32، 36، 38 توں 40، 42، 43 (توں:)، 44، 45، 46 (دیکھو)، 47، 49، 50 آیتاں

6۔ تے جدیسوع بیت عنیاہ وچ شمعون کوڑھی دے گھروچ سی۔

7۔ تے اک بڈھی سنگِ مردے عطر دان وچ قیمتی عطر لے کے اوہدے کول آئی تے جداوہ کھانا کھان نوں بیٹھیا تے اوہدے سر اُتے پادتا۔

8۔ چیلے ایہہ دیکھ کے غصے ہوئے۔

10- یسوع نے ایہہ جان کے اوہناں نوں آکھیا پئی ایس جڈھی نوں کیوں غصے ہندے او؟ اوہنے تے میرے نال چنگیائی کیتی اے۔

12- تے ایسے ایہہ عطر جیہڑا میرے بدن اُتے پایا اے ایہہ میرے دفن ہون دی تیاری لئی اے۔

13- میں تہانوں سچی آکھداں پئی سارے جگ وچ جتھے وی ایس خوشخبری دی منادی کیتی جاوے گی ایہہ وی جو ایسے کیتا اے ایس دی یادگاری وچ آکھیا جاوے گا۔

20- جد شام ہوئی تے اوہ بارہ چیلیاں دے نال کھانا کھان نوں بیٹھاسی۔

21- تے جد اوہ کھا رہے سی تے اوہنے اوہناں نوں آکھیا میں تہانوں سچ آکھداں پئی تہاڈے وچوں اک مینوں پھڑاوے گا۔

22- اوہ بوہت دکھی ہوئے تے ہر کوئی اوہنوں آکھن لگیا پئی اے خداوند کیہ میں واں؟

23- اوہنے جواب وچ اوہناں نوں آکھیا جسے طباق وچ میرے نال ہتھ پایا اے اوہ ای مینوں پھڑوائے گا۔

24- ابنِ آدم تے جیویں اوہدے بارے لکھیا اے جاندا ای اے پر اوس بندے اُتے افسوس جیدے راہیں ابنِ آدم پھڑوایا جاندا اے! جے اوہ بندہ حمد ای نہ تے اوہدے لئی چنگا ہندا۔

25- اوہنوں پھڑوان والے یہوداہ نے اوہنوں جواب وچ آکھیا اے ربی کیہ میں واں؟ اوہنے اوہنوں آکھیا توں آپ ای آکھ دتا۔

26- جد اوہ کھا رہے سی تے یسوع نے روٹی لئی تے برکت دے کے توڑی تے چیلیاں نوں دے کے آکھیا لو کھاؤ۔ ایہہ میرا بدن اے۔

27- فیر پیالہ لے کے شکر کیتا تے اوہناں نوں دے کے آکھیا تسی سارے ایس دے وچوں پیو۔

28- کیوں جے ایہہ میرا اوہ عہد والا ہوا اے جیہڑا تھیریاں لئی پاپاں دی معافی لئی وگایا جاندا اے۔

29- میں تہانوں آکھداں پئی انگور دا ایہہ شیرہ فیر کدی نہ پیواں گا۔ اوس دن تیکر پئی تہاڈے نال اپنے پیو دی بادشاہی وچ نواں نہ پیواں۔

- 32- پر میں اپنے جی اٹھن دے بعد تہاڑے توں پہلاں گلیل نوں جانواں گا۔
- 36- اوس ویلے یسوع اوہناں دے نال گتسمنی ناں اک تھاں وچ آیتے اپنے چیلیاں نوں آکھیا ایہتھے ای بیٹھے رہیو جد تیکر پئی میں اوہتھے جا کے دعا کر داں واں۔
- 38- اوس ویلے اوہنے اوہناں نوں آکھیا میری چند بوہت ڈکھ وچ اے۔ ایہتھے تیکر پئی مرن دی نوبت اپڑ گئی اے۔ تسی ایہتھے ڈکوتے میرے نال جاگدے رہو۔
- 39- فیر ذرااگاں ودھیاتے مونہہ بھرنے ڈگ کے ایہ دعا کیتی پئی اے میرے باپ! جے ہو سکے تے ایہہ پیالہ میتھوں ٹل جاوے۔ فیروی جیویں میں چاہناں واں اونج نئیں بلکہ جیویں توں چاہناں اونج ای ہووے۔
- 40- فیر چیلیاں دے کول آکے اوہناں نوں سوئدیاں ویکھیا تے پطرس نوں آکھیا تسی میرے نال اک گھڑی وی نہ جاگ سکے؟
- 42- فیر اوہنے دوبارہ جا کے ایہ دعا کیتی پئی اے میرے باپ! جے ایہہ میرے پیتاں بغیر نئیں ٹل سکداتے تیری مرضی پوری ہووے۔
- 43- تے آکے اوہناں نوں فیر نئیاں ویکھیا۔
- 44- تے اوہناں نوں چھڈ کے فیر ٹر گیا تے فیر اوہ ای گل آکھ کے تیجی واری دعا کیتی۔
- 45- تد چیلیاں دے کول آکے اوہناں نوں آکھیا ہن سوئدے رہو تے آرام کرو۔ ویکھو ویلہ اپڑ گیا اے ابن آدم پاپیاں دے حوالے کیتا جاندا اے۔
- 46-۔۔۔ ویکھو مینوں پھڑوان والا نیسٹے اپڑ گیا اے۔
- 47- اوہ ایہہ آکھ ای رہیا سی پئی یہوداہ جیہڑا اوہناں بارہ وچوں اک سی آیتے اوہدے نال اک وڈھا جتھا تلواریں تے لاٹھیاں لے کے سردار کاہناں تے قوم دے وڈیریاں ولوں اپڑ گیا۔
- 49- تے جھیتی نال اوہنے یسوع دے کول آکے آکھیا اے ربی سلام! تے اوہنوں چھیا۔

50۔ یسوع نے اوہنوں آکھیا میاں! جیس کم آیا ایں اوہ کر لے۔ ایہدے اُتے اوہناں نے کول آکے یسوع اُتے ہتھ پائے تے اوہنوں پھڑ لیا۔

2۔ یوحنا 19 باب 16 (تے)، 17، 18 (توں)، 41 (توں)، 42 (توں یسوع) آیتاں

16۔ ایس لئی اوہ یسوع نوں لے گئے۔

17۔ تے اوہ اپنی سولی آپ چک کے اوس تھاں تیکر باہر گیا جیہڑی کھوپڑی دی تھاں اکھواندی اے۔ جید اعرانی وچ ترجمہ گلگتا اے۔

18۔ اوہ تھے اوہناں نے اوہنوں سولی چاڑھیا۔

41۔ تے جیس تھاں اوہ سولی چاڑھیا گیا اوہ تھے اک باغ سی تے اوس باغ وچ اک نویں قبر سی۔

42۔ ایس لئی اوہناں نے۔۔۔ یسوع نوں اوہ تھے ای رکھ دتا۔

3۔ متی 28 باب 1 توں 3، 5، 6 (توں پہلی)، 7 (توں پہلی)، 8، 9 (توں پہلی)، 10 آیتاں

1۔ تے سبت دے بعد وں ہفتے دے پہلے دن پو پھٹن دے ویلے مریم مگد لینی تے دوجی مریم قبر نوں دیکھن آئیاں۔

2۔ تے دیکھواک وڈھا پچال آیا کیوں جے خداوند افرشتہ اسمان توں اُتریا تے کول آکے پتھر نوں لٹھکا دتا تے اوہدے اُتے بیٹھ گیا۔

3۔ اوہدی شکل بجلی وانگر سی تے اوہدے کپڑے برف وانگر چٹے سی۔

- 5- فرشتے نے بڑھیاں نوں آکھیا پئی تسی نہ ڈرو کیوں جے میں جان واں پئی تسی یسوع نوں لبھدیاں او جیہڑا سولی چاڑھیا گیا سی۔
- 6- اوہ ایہتھے نیں اے کیوں جے اپنے آکھن دے مطابق جی اٹھیا اے۔
- 7- تے جھیتی نال جا کے چیلیاں نوں آکھو پئی اوہ مویاں وچوں جی اٹھیا اے۔
- 8- تے اوہ ڈرتے بڑی خوشی نال قبر توں پرت کے اوہدے چیلیاں نوں خبر دین نوں دوڑیاں۔
- 9- تے ویکھو یسوع اوہناں نوں ملیا تے اوہنے آکھیا سلام!
- 10- ایہدے اُتے یسوع نے اوہناں نوں آکھیا ڈرو نہ۔ جاؤ میرے بھرانواں نوں خبر دیو پئی گلیل نوں ٹر جان۔ اوہتھے مینوں ویکھن گے۔

4- یوحنا 21 باب 1، 4، 6، 7 (توں پہلی)، 8 (توں:)، 9، 12، 14، 25 آیتاں

- 1- ایہناں گلاں توں بعد یسوع نے فیر اپنے آپ نوں تبریاس دی جھیل دے کنڈے چیلیاں اُتے ظاہر کیتا تے ایہج ظاہر کیتا۔
- 4- سویر ہندیاں ای یسوع کنڈے آکھلو تا پر چیلیاں نے نہ پچھانیا پئی ایہہ یسوع اے۔
- 6- اوہناں نے اوہنوں آکھیا پئی کشتی دے سچے پاسے ول جال سٹوتے تسی پھڑو گے۔ فیر اوہناں نے جال سٹیا تے بوہت مچھلیاں دے پاروں چھچھ نہ سکے۔
- 7- ایس لئی اوس چیلے نے جیدے نال یسوع بوہت پیار کرداسی پطرس نوں آکھیا پئی ایہہ تے خداوند اے۔
- 8- تے باقی چیلے چھوٹی کشتیاں اُتے بیٹھ کے آئے۔

9۔ جیس ویلے کنڈے اُتے اترے تے اوہناں نے کونلیاں دی اگ تے اوہدے اُتے مچھلی دھری ہوئی تے روٹی دیکھی۔

12۔ یسوع نے اوہناں نوں آکھیا آؤ کھانا کھاو تے چیلیاں وچوں کسے نوں جرات نہ ہوئی پئی اوہدے توں پُچھدا پئی تو کون ایس؟ کیوں جے اوہ جان دے سی پئی خداوند ای اے۔

13۔ یسوع آیا تے روٹی لے کے اوہناں نوں دتی۔ ایسے طراں مچھلی وی۔

14۔ یسوع مردیاں وچوں جی اٹھن توں بعد ایہہ تہیجی واری چیلیاں اُتے ظاہر ہوئیا سی۔

25۔ ہو روی بوہت سارے کم نیں جیہڑے یسوع نے کیتے۔ جے اوہ وکھو وکھ لکھے جاندے تے مینوں لگدا اے پئی جیہڑیاں کتاباں لکھیاں جاندیاں اوہناں لئی جگ وچ گنجائش نہ ہندی۔ آمین۔

سائنس تے صحت

1- 23-21:26

سیچائی دے بارے یسوع دی تعلیم تے اوہدی مشق وچ اک قربانی شامل ہندی اے جیہڑی ساہنوں ایہدے اصول نوں محبت دے طور تے قبول کرن ول لے جاندی اے۔

2- 23-16:117

اک الہی طالب علم دے طور تے اپنے آپ وچ حیاتی تے سچیائی نوں بیان کر دیاں تے ظاہر کر دیاں ہوئے تے بیمار تے پاپی اُتے اپنی طاقت دے راہیں اوہنے انسان اُتے رب نوں آشکار کیتا۔ انسانی نظریے اوس الہی اصول نوں بیان کرن لئی ناقص نیں جیہڑا یسوع ولوں کیتے گئے معجزیاں (عجیب کماں) وچ تے خاص کر کے بدن وچوں اوہدی وڈھی، اعلیٰ، بے مثال تے کامیاب رخصتی وچ شامل سی۔

3- 22-19، 12-10:314

اوہناں یہودی لوکاں نے، جیہڑے رب دے ایس بندے نوں قتل کرن دی تاہنگ وچ سی، واضح طور تے ایہہ دکھایا پئی اوہناں دے مادی خیال اوہناں دے بدکار کماں دے میٹھاں سی۔۔۔ ایس مادیت پرستی نے اصلی یسوع توں نظر ہٹا دتی، پر فرمانبردار مریم نے اوہنوں دیکھیا، تے اوہنے اوہدے اُتے پہلے توں کتر بوہتا مواد تے حیاتی دے اصلی خیال نوں ظاہر کیتا۔

4- 10:47 (یہوداہ)۔ 26

یہوداہ نے یسوع دے خلاف سازش کیتی۔ اوس راست بندے ول جگ دی ناشکری تے نفرت نے اوہدے دھوکے نوں متاثر کیتا۔ اوس غداری دی قیمت تی چاندی دے سکے تے فریسیاں دیاں مسکراہٹاں سی۔ اوہنے اپنا اوہ ویلہ چنیا، جدوں لوکی یسوع دی تعلیم دے بارے شکی ہوئے سی۔

اوہ ویلہ نیہ سڑے اپڑ رہیا سی جیہڑا یہوداہ تے اوہدے مالک دے وچالے لامحدود فاصلے نوں ظاہر کرے گا۔ یہوداہ اسخر یوطی ایہہ جان داسی۔ اوہ جان داسی پئی اوہدے مالک دی وڈھی چنگیائی نے یسوع تے اوہدے غدار دے وچالے وڈھی کھائی بنا چھڈی اے، تے ایس روحانی ویلے نے یہوداہ دے حسد نوں بھڑکایا۔ سونے دے لالچ نے اوہدی ناشکری نوں

ہائیل دالایہ سبق پلین فیلڈ کرسچن چرچ، آزاد ولوں تیار ہو یا۔ ایہہ کنگ جیمز ہائیل دیاں آیتاں تے میری بیکراڈی دی لکھی ہوئی کرسچن سائنس دی ورسٹی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

ودھایا، اوہنے کجھ چر تیکر اوہدے پچھتاوے نوں چپ کروا دتا۔ اوہ جان داسی پئی عام طور تے جگ سچ توں بوہتا جھوٹ پسند کردا اے؛ ایس لئی اوہنے اپنے آپ نوں پورے طور تے اچا کرن لئی یسوع نوں دھوکہ دین دی سازش کیتی۔ اوہدی کالی سازش ناکام ہوئی، تے غدار وی اوہدے نال ای ناکام ہو گیا۔

5- 14-3:32

پرانے روم وچ اک سپاہی لئی اپنے جرنل دے نال وفادار ہوون دا عہد کرنا ضروری ہندا اسی۔ ایس عہد لئی لاطینی لفظ ساکرامینٹم سی، تے ساڈا انگریزی دالفظ ساکرامنٹ ایسدے وچوں ای لیا گیا اے۔ یہودیوں وچ ایہہ پرانی روایت سی پئی دعوت کرن والا مالک ہر بندے نوں مے داپیالہ دیندا اسی۔ پریو خرسست کسے رومی سپاہی دے حلف دی یادگاری نئیں سی تے نہ ای مے سی، جیہڑی اکٹھ دے موقعیاں وچ تے یہودی رسماں وچ ورتی جاندی سی، یعنی ساڈے خداوند داپیالہ سی۔ پیالہ اوہدے تلخ تجربے نوں ظاہر کردا اے، یعنی اوہ پیالہ جیدے لئی اوہنے دعا منگی پئی اوہ اوہدے توں ٹل جاوے، حالانکہ اوہ الہی حکم دی پاک سپردگی وچ جھک گیا اسی۔

6- 25-23:586

گتسمنی۔ مریض دی تکلیف؛ انسان دالہی نوں مننا؛ پیار دے ملاپ دا کوئی جواب نئیں، فیرو دی پیار قائم رہندا اے۔

7- 9-31:47

باغ وچ ہنیرتے جلال دی رات وچ، یسوع نے کسے ممکنہ مادی ذہانت اُتے یقین دی سراسر غلطی نوں سمجھیا۔ بے دھیانی دیاں پیڑیاں تے تعصب والی جہالت دیاں سوٹیاں اوہدے اُتے زور نال پیناں۔ اوہدے طالب علم سوں گے۔ اوہنے اوہناں نوں آکھیا: ”کیہ تھی میرے نال اک گڑھی وی نہ جاگ سکے؟“

کیہ اوہ اوہدے نال رکھوالی نہ کر سکے جیہڑا، بے زبان اذیت وچ اڈیک تے کوشش کر دیاں ہوئے، شکایت کیتے بغیر جگ دی حفاظت کر رہیا سی؟ ایہتھے انسانی تڑپ لئی کوئی جواب نہیں سی، ایس لئی یسوع دھرتی توں آسمان، فہم توں جند ول ہمیشہ لئی مڑ گیا۔

8- 9-1:39

عاجزی نال ساڈے مالک نے اپنی نہ منی جان والی شان داند اق بنوایا۔ جیویں دی بے عزتی اوہنے سہی، اوہدے مگر ٹرن والے مسیحیت دی آخری جت تیکر برداشت کرن گے۔ اوہنے ہمیشہ دے اجر حاصل کیتے۔ اوہنے جگ، بدن تے ساری غلطی اُتے قابو پایا، اتخ اوہناں دے عدم نوں ثابت کیتا۔ اوہ پاپ، بیماری تے موت توں پوری طراں مکتی لیا۔ ساہنوں ”مسیح“ تے اوہدے سولی چاڑھے جان، دی لوڑاے۔ ساہنوں اوکھلاں تے اپنیاں انکاریاں دے نال نال خوشیاں تے کامیابیاں حاصل کرنیاں چاہیدیاں نیں، جد تیکر پئی ساری غلطی تباہ نہیں ہو جاندی۔

9- 10-28:32

اوہ فسخ جیہڑی یسوع نے اپنے چیلیاں دے نال نیسان دے مہینے وچ اپنے سولی چڑھن توں پہلاں کھادی اوہ اک دکھ دا موقع سی، اک سوگوار کھانا جیہڑا دن دے اخیر اُتے، پورے چان وچ سی جیدے نال تیزی نال گہرے پرچھانویں آ لے دوالے پھیل رہے سی؛ تے ایس کھانے نے مادے لئی یسوع دی رسم پرستی یا منظوری نوں ہمیشہ لئی مکھد تدا۔

اوہدے پیر وکار، افسردہ تے خاموش، اپنے مالک دے نال ہوون والی بے وفائی دے ویلے اُتے غور کر رہے سی، آسمانی من وچ حصہ لیندے نیں، جیہڑا ماضی دے بیابان وچ ستائے ہوئے سچائی دے منن والیاں نے کھاد اسی۔ اوہناں دی خوراک واقعی ای آسمان توں اتری سی۔ بیماراں نوں شفا دین تے غلطی نوں باہر کڈن والی روحانی ہستی دی ایہہ بوہت وڈی اصلیت سی۔ اوہناں دے مالک نے اوہناں نوں ایہہ پہلے ای واضح کر دتا سی، تے ہن ایہہ روٹی اوہناں نوں خوراک دے رہی سی تے اوہناں نوں قائم رکھ رہی سی۔

10- 26-13:33

روحانی ہستی دی ایس سچائی لئی، اوہناں دا مالک ظلم برداشت کرن نوں سی تے دکھ دا ایہہ پیالہ آخری قطرے تیکر خشک ہوون نوں سی۔ اوہنے اوہناں نوں چھڈ دینا سی۔ اوہدے اُتے چھاون والی ابدی فتح دے وڈے جلال دے نال، اوہنے شکر کیتا تے آکھیا، ”تسی سارے ایہدے وچوں پیو۔“

جدوں اوہدے اندر انسانی عنصر الہی عنصر نال لڑ رہیا سی تے ساڈے وڈھے اُستاد نے آکھیا: ”میری نئیں پر تیری مرضی پوری ہووے!“، یعنی، میرے اندر بدن نئیں بلکہ روح ظاہر ہووے۔ ایہہ روحانی پیار دی نویں سمجھ اے۔ ایہہ سب کجھ مسیح یا سچائی لئی مہیا کر دالے۔ ایہہ ویریاں نوں برکت دیندا، بیماراں نوں شفا دیندا، غلطیاں نوں باہر کڈھدا، پاپاں تے خطاواں وچ مرے ہوئے لوکاں نوں زندہ کردا تے جیہڑے دل دے غریب تے فروتن نیں اوہناں نوں انجیل دی خوشخبری سناؤندا اے۔

11- 18:34-18 اگلا صفحہ

سارے شاگرد اپنے تجربات دے راہیں ہو رہے روحانی بننے کے لیے تھیک طراں سمجھے جو مالک نے سکھایا سی۔ اوہ حاجی اٹھنا اوہناں دا جی اٹھنا وی سی۔ اوہنے اوہناں دی تے دوجے لوکاں دی روحانی بے حسی تے بوہت زیادہ امکانات دے خیالاں وچ رب اُتے انھے بھروسے توں جگایا۔ اوہناں نوں ایس ارتکاز دی لوڑ سی کیوں جے بوہت چھیتی اوہناں دا مالک حقیقت دے روحانی دائرے وچ دوبارہ جی اٹھن، تے اوہناں دی سوچ توں وی کتے اُچا چکیا جان والا ہووے گا۔ اوہدی وفاداری دے اجر وچ، اوہ مادی حس لئی ایس تبدیلی وچ غائب ہو جاوے گا جنہوں معراج آکھیا جاندا اے۔

رب دے آخری کھانے تے گلیل دی جھیل دے کنڈے اُتے اک سویر دے ویلے اک خوشگوار ملاقات وچ اپنے شاگرداں نال اوہدے روحانی ناشتے وچ کنہاں فرق اے۔ اوہ اڈکھ جلال وچ بدل گیا سی، تے اوہدے شاگرد پشیمانی وچ ڈکھی ہوئے، دل دی کانٹ چھانٹ ہوئی تے تکبر دی ملامت ہوئی۔ ہنیرے وچ اپنی بے اثری نوں سمجھدیاں ہوئے تے اپنے مالک دی آواز نال جاگدیاں ہوئے، اوہناں نے اپنے طور طریقیاں نوں بدل لیا، مادی شیواں توں دور ہوئے تے اپنے جال صحیح پاسے ول نٹے۔ ویلے دی داہار اوچ مسیح یعنی سچائی نوں جان دے ہوئے اوہ کسے حد تکیر فانی حس یا مادے وچ عقل دی تدفین نوں حیاتی دی روح دے طور تے تبدیل کرن دے قابل بن گئے۔

نویں لودے طلوع ہووون تے ساڈے خداوند دے نال ایہہ روحانی ملاقات صبح دا اوہ ناشتہ اے جیدی یاد مسیحی سائنس دان مناؤندے نیں۔ دوجی وار اوہدی حضوری حاصل کرن لئی تے خاموشی دے نال الہی اصول، محبت دے نال شراکت کرن لئی اوہ مسیح، سچائی دے آگے سجدہ کر دے نیں۔ اوہ اوہناں دے خداوند دی موت اُتے فتح، موت دے بعد اوہدی بدنی آزمائش، انسانی آزمائش دی ایس مثال، تے جدوں اوہ مادی نظرتوں غائب اُتے چکیا گیا تے مادے، یا بدن توں اُتے اوہدے روحانی تے آخری صعود نوں مناؤندے نیں۔

12- 25:35-29

ساڈایو خرسٹ اک رب دے نال روحانی شراکت اے۔ ساڈی روٹی ”جیہڑی آسمان توں اتردی اے،“ سچائی اے۔
 ساڈاپیالہ صلیب اے۔ ساڈی مے یعنی اوہ مے جیہڑے ساڈی مالک نے پیتی تے اپنے پیروکاراں نوں وی ایہدا حکم
 دتا، محبت دا الہام اے۔

13- 24:497 (تے)-27

تے اسی سنجیدگی نال اوس سیان لئی دعا کر دے تے خیال رکھ دے آں پئی اوہ ساڈے وچ وی ہووے جیہڑی مسیح یسوع
 وچ سی؛ دو جیاں دے نال اونج ای کرو جیویں اسی چاؤہنے آں پئی اوہ ساڈے نال کرن؛ تے ایہہ پئی اسی رحمدل، عادل
 تے پاک بنے۔

روزانہ دے فرض

میری بیکرایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی
 سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے،
 تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

ہائیل دا ایہہ سبق پلہین فیلڈ کرچن چرچ، آزاد ولوں تیار ہو یاے۔ ایہہ کلک جیمز ہائیل دیاں آیتاں تے میری بیکرایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں
 ہونیاں لازمی تحریراں نال بنیاں۔

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد ایا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔